

Augsburg, 15. Oktober 1576

An Bonaventura Vulcanius

UB Leiden, VUL 105:3, Nr. 1 (nicht eigenhändig bis auf die Adresse und die Unterschrift).  
Edition: De Vries de Heekelingen S. 385f., Nr. 187.

Doctrina et eloquentia praestanti viro, Bonaventurae Vulcanio, amico suo colendo. Basel bei Herrn Episcopio.

S. Famae istius, vir doctissime, quae obitum meum nunciauit, eadem ratio fuit, quae solet esse somniorum: quae vulgò dicunt significare contrarium. Nam princeps elector me, amplo stipendio proposito, Xilandro surrogatus fuit: nisi è consiliario quodam suo, pridem discipulo meo, Augustanae Reipublicae me obstrictum esse intellexisset. Vellem equidem Xilandrum potius, virum ingenio, eruditione, industria, aetate florentem viuere quàm me et annis fessum, et laboribus atque morbis exhaustum, καὶ ἡδη ὑπὲρ τὸν κατάλογον ζῶντα, καὶ σχεδὸν ἐτώσιον ἄχθος ἀρούρας ὅντα. Sed quia visum est aliter diuinae prouidentiae: gratulatio tua mihi grata et iucunda est, et amicitia tua, hominis ingenio, eruditione, eloquentia praestantis, optatissima: quam si quibus officijs erga te declarare potuero: omne meum studium tibi polliceor. Ac lectis tuis Cyrilli dialogis, autor D. Hainzelio fui, nostratis codicis ad te mittendi: specimen autem totius operis abs te missum, singulari me laetitia affecit: neque dubito quin praeclarum opus sit futurum. In conuersione tua nihil desideraui nisi quod τὸ ὅτι per infinitum quam per quod, in nonnullis locis expressum esse mallem. Sed et hoc Latinum est et res exigui momenti: caetera perplacuerunt. Quare feliciter vt cepisti pergit: et monimenta aere perenniora elaborato. Mitto nunc ad Petrum Pernam libellos aliquot. Qui cum Graecae linguae sit imperitus, si quando tuum consilium expetierit, etiam atque etiam rogo, ne illi desis: quò emendatius imprimantur. Id officium erit mihi gratissimum. D. Episcopium et Prallium officiosè meo nomine salutes velim. Vale. Augustae Vindelicorum. Idibus Octob[ris]. Anno. 1576.

Hieronymus Wolfius  
tui studiosissimus.